

Bosna i Hercegovina  
Federacija Bosne i Hercegovine  
Hercegovačko-neretvanska županija  
**SKUPŠTINA**

Broj: 02-01-XVI-151/16  
Mostar, 28.04.2016. godine

**IZVOD IZ ZAPISNIKA**  
sa šesnaeste (XVI) sjednice Skupštine  
Hercegovačko-neretvanske županije

Sjednica je održana 28.04.2016. godine u sali Skupštine HNŽ u Mostaru s početkom u 12 sati. Sjednicu je otvorio predsjedavajući Skupštine Šerif Špago i pozdravio nazočne Tajnik Skupštine, Željka Čule obavila je prozivku.

**Nazočni:** Mara Anđelić, Stana Burić, Boris Bošnjak, Osman Ćatić, Mesud Džajić, Ramiz Fajić, Luka Faletar, Zlatko Hadžiomerović, Osman Macić, Anel Kljako, Andrea Pehar, Tomislav Martinović, Zijat Mušić, Đuro Prkačin, Dario Pušić, Ivona Raguž, Zoran Raić, Vesna Saradžić, Elmir Šator, Amir Šelo, Ajman Šoše, Šerif Špago, Ana Marija Tadić-Jakovljević, Drago Tule, Adnan Velagić, Amer Zagorčić, Aner Žuljević, Ilija Cvitanović, Ante Pavličević, Davor Pehar.

Konstatirano je da je na sjednici nazočno **30** zastupnika, te da postoji kvorum za rad i pravosnažno odlučivanje.

**Nazočni po pozivu:** Predstavnici Vlade HNŽ, gosti po pozivu, predstavnici međunarodnih organizacija i predstavnici medija.

Sjednica je javna, snimana je i snimci su sastavni dio ovog Izvoda iz zapisnika.

Predloženi dnevni red:

1. Zastupnička pitanja;
2. Prijedlog Zakona o komunalnim djelatnostima;
3. Prijedlog Zakona o izmjenama i dopunama Zakona o rudarstvu HNŽ (utvrđen po skraćenom postupku);
4. Nacrt Zakona o radu;
5. Analiza stanja o ostvarivanju prava braniteljske populacije za period 2014 - 2015. s prijedlogom mjera;
6. Odluka o davanju suglasnosti na Prostorni plan Općine Jablanica
7. Izvještaj o izvršenju Proračuna HNŽ za 2015. godinu;

Otvorena je rasprava.

U raspravi su učestvovali: Šerif Špago, Amer Zagorčić, Nevenko Herceg.

Zastupnik Amer Zagorčić predlaže da se sa dnevnog reda skine točka 4. Nacrt zakona o radu, s obzirom da taj zakon imamo već na nivou Federacije i da nema potrebe da se donosi na nivou županije.

Uslijedilo je glasanje po prijedlogu poslanika Amera Zagorčića.

Prijedlog nije dobio potrebnu većinu.

Usljedio je glasanje da točka 3. Prijedlog Zakona o izmjenama i dopunama Zakona o rudarstvu HNŽ/K, ide po skraćenom postupku.

Prijedlog je jednoglasno usvojen.

Usljedio je glasanje o predloženom dnevnom redu.

Dnevni red 16. sjednice Skupštine HNŽ je usvojen većinom glasova.

Usvojeni dnevni red:

1. Zastupnička pitanja;
2. Prijedlog Zakona o komunalnim djelatnostima;
3. Prijedlog Zakona o izmjenama i dopunama Zakona o rudarstvu HNŽ (utvrđen po skraćenom postupku);
4. Nacrt Zakona o radu;
5. Analiza stanja o ostvarivanju prava braniteljske populacije za period 2014 - 2015. s prijedlogom mjera;
6. Odluka o davanju suglasnosti na Prostorni plan općine Jablanica;
7. Izvještaj o izvršenju Proračuna HNŽ za 2015. godinu.

### **AD1. Zastupnička pitanja**

Zastupnik Ilija Cvitanović

Zastupničko pitanje upućeno je Ministru poljoprivrede, šumarstva i vodoprivrede HNŽ/K, a odnosi se na Zakon o šumama, zašto nema tog zakona u skupštinskoj proceduri kada je on već definiran u više navrata kao jedan od razvojnih zakona i u Analizi stanja u gospodarstvu i s obzirom da je taj zakon kočnica mnogih procesa za razvoj i privrede i poljoprivrede u HNŽ/K, zašto ga nema i kada će biti?

Zastupnik upućuje i inicijativu prema kolegiju Skupštine koja se odnosi na direktan prijenos sjednice Skupštine HNŽ/K, pošto postoji medij koji se financira iz proračunskih sredstava, a to je Radio Herceg-Bosne. Javnost bi tako imala bolji uvid u aktivnosti i rad svih zastupnika.

Zastupnik Adnan Velagić

Zastupničko pitanje upućeno je Ministarstvu zdravstva HNŽ i Zavodu zdravstvenog osiguranja HNŽ, da se u pisanoj formi dostavi pregled realizacije sredstava po osnovu liječenja izvan HNŽ-a, sa sljedećim podacima: ime i prezime osobe koja je upućena na liječenje, država, mjesto i zdravstvena ustanova u kojoj je obavljeno liječenje, specifikacija bolesti zbog koje je pacijent upućen na liječenje, pregled utrošenih sredstava za liječenje po pacijentu i ukupno za 2015. godinu i financijski izdaci za zdravstvenu komisiju koja djeluje na nivou HNŽ-a za 2015. godinu.

Zastupnik Elmir Šator

Zastupničko pitanje upućeno je Ministarstvu financija i Ministarstvu zdravstva, rada i socijalne skrbi HNŽ, a odnosi se na kriterije koji se koriste, ako postoje, želio bi da znam da postoje i koji su, koji se tiču pitanja sufinansiranja zdravstvenih ustanova, ona poznata dva miliona, na koji način se sredstva dijele između zdravstvenih ustanova koje sufinansira županija i znači koji su kriteriji koji se određuju prilikom toga.

Zastupnik Đuro Prkačin

Zastupničko pitanje je upućeno prema Ministarstvu pravosuđa, uprave i lokalne samouprave HNŽ/K-a. Dostaviti sljedeće informacije o svim udruženjima koja su upisana u registar udruženja naše županije, a sjedište imaju na području Općine Stolac, i to naziv udruženja, sjedište udruženja, to jest adresu udruženja, i imena osoba koja predstavljaju ta udruženja.

Zastupnik Osman Ćatić

Zastupnik upućuje inicijativu da se izvrši inspekcijski nadzor vertikalne i horizontalne signalizacije u blizini svih škola, a posebno osnovnih škola, a da se poslije inspekcijskog nadzora izvrši i postavljanje saobraćajnih znakova kojima se ograničava brzina kretanja motornih vozila do 30 kilometara na sat, kao i da se izvrši instaliranje horizontalnih usporivača brzine, takozvanih ležećih policajaca. Dok se te mjere ne provedu molim da se za vrijeme početka i kraja nastave u blizini škola obavezno upute saobraćajne patrole.

Tražim od Vlade HNŽ/K da naloži postavljanje usporivača brzine i odgovarajuće vertikalne signalizacije na svim regionalnim cestama pored kojih se nalaze osnovne i srednje škole. Tražim da Vlada HNŽ/K uputi inicijativu jedinicama lokalne samouprave da u okviru svoje nadležnosti izvrši postavljanje usporivača brzine i odgovarajuće vertikalne signalizacije na svim lokalnim cestama pored kojih se nalaze osnovne i srednje škole.

Zastupnik Aner Žuljević

Zastupnik upućuje inicijativu prema Vladi HNŽ. Inicijativa se odnosi na pitanje koje je već postavljeno na prethodnim sjednicama Skupštine, a vezano za inspekcijski dodatak. Traži se od Vlade HNŽ da se stavi van snage odluka broj 01-1-021892/15, jer ne postoji zakonska osnova za donošenje iste, te da u skladu sa svojim zakonskim ovlaštenjima prethodno izvrši donošenje svih neophodnih zakonskih propisa i nakon toga da utvrdi odluku na bazi tih propisa.

Zastupnik Zoran Raič

Zastupničko pitanje upućeno je prema Ministarstvu unutarnjih poslova. Javna ustanova Radimlja iz Stoca 31.03.2016. godine je uputila zamolbu za zabranu parkiranja policijskog vozila na ulaz u posjedu Javne ustanove Radimlja prema Policijskoj upravi Čapljina, odjel prometne policije, te na isti nije dobila odgovor niti se nešto promijenilo. A u toj zamolbi se navodi, u proteklih 6 mjeseci službenici Policijske uprave Čapljina koji kontroliraju promet i brzinu vozila na dionici puta Poprati-Gorica uz pomoć radara u više navrata su za mjesto svoga parkiranja koristili neposrednu blizinu ulaza u turističku destinaciju, nekropolu stećaka Radimlja. S obzirom kako je prošle godine ovaj kulturni lokalitet posjetilo preko 8.600 turista i preko 200 autobusa, potreban je nesmetan ulaz na lokalitet. Traži se da službenici pronađu neku drugu lokaciju, te da se poduzmu određene radnje po ovom pitanju kako bi Javna ustanova Radimlja mogla nesmetano obavljati svoj posao.

Zastupnik Zlatko Hadžiomerović

Zastupničko pitanje upućeno je prema Ministarstvu zdravstva, rada i socijalne skrbi i Zavodu za zdravstveno osiguranje, da se 10-ak tisuća maraka usmjeri prema Domu zdravlja Uzinovići i preuzme financiranje materijalnih troškova.

Zastupnik Zijat-Zijo Mušić

Zastupničko pitanje je upućeno prema Vladi HNŽ/K i ministarstvima, upravama i javnim poduzećima kojima je osnivač Vlada, da dostave imena i prezimena svih zaposlenih, te koliko od toga je zaposlenih iz braniteljske populacije, a koliko je ovih ostalih.

## **AD2. Prijedlog Zakona o komunalnim djelatnostima**

U ime predlagača prijedlog Zakona obrazložio je Suad Hasandedić, ministar Ministarstva građenja i prostornog uređenja HNŽ.

Otvorena je rasprava.

U raspravi su učestvovali: Amer Zagorčić, Ramiz Fajić, Đuro Prkačin, Boris Bošnjak, Osman Čatić.

Amandmani poslanika Amira Zagorčića ispred Kluba SDP-a:

Amandman I: članak 25. stav 3. i stav 4. se brišu.

Amandman II: članak 26. stav 3. se briše.

Amandman III: članak 31. i član 33. se briše.

Amandman IV: članak 57. stav 4., na kraju rečenice umjesto tačke stavlja se „ , “ i rečenica se nastavlja : „izuzev objekata na javnim grobljima kojima upravlja javno poduzeće“.

Amandman V: članak 61. točka 1. stav b. se briše.

Amandman VI: članak 61. stav 1. točka c., točka treba da glasi: „Zaprima prijave i zahtjeve građana i pravnih lica i o istim obavještava inspektora“.

Amandman VII: članak 62. stav 2., riječi: „Obavezni su o tome usmeno ili pismeno obavijestiti inspektora „ se brišu, a dodaje se „Obavezni su o tome odmah obavijestiti inspektora, a pismeno najdalje u roku 24 sata“.

Amandman VIII: članak 62. stav 3. briše se.

Amandman IX: članak 62. stav 4., riječi „kontrolni zapisnik“ se zamjenjuje riječima „službenu zabilješku“.

Amandman X: Članak 62. stav 5., riječ „zapisnik“ se zamjenjuje riječima „službenu zabilješku“.

Zaključena je rasprava po 2. točki dnevnog reda Prijedloga zakona o komunalnim djelatnostima.

Izjašnjavanje po prijedlogu Zakona obaviti će se nakon što se Vlada izjasni o ulozenim amandmanima.

## **AD3: Prijedlog Zakona o izmjenama i dopunama Zakona o rudarstvu HNŽ (utvrđen po skraćenom postupku)**

U ime predlagača prijedlog Zakona obrazložio je Željko Laketić, ministar Ministarstva gospodarstva HNŽ.

Otvorena je rasprava.

U raspravi je učestvovao Amer Zagorčić.

Amandmani zastupnika Amira Zagorčića

Amandman I: članak 3. Zakona o izmjenama i dopunama Zakona o rudarstvu se briše.

Amandman II: članak 5. stav 2., točka n) postojećeg Zakona ostaje ista, samo se dodaje nova točka sa tekstom kao iz predloženih izmjena.

Zaključena je rasprava i po ovom zakonu se izjašnjava nakon stava Vlade po pitanju ulozenih amandmana.

#### **AD4: Nacrt zakona o radu**

U ime predlagača prijedlog Zakona obrazložio je Goran Opsenica, ministar Ministarstva zdravstva, rada i socijalne skrbi HNŽ.

Otvorena je rasprava.

U raspravi su učestvovali: Ministar Goran Opsenica, Amir Šelo, Amer Zagorčić, Đuro Prkačin, Aner Žuljević, Davor Pehar, Ante Pavličević, Ajman Šoše, Mara Anđelić.

Zastupnik Aner Žuljević predlaže da se u formi inicijative prema Vladi Federacije Bosne i Hercegovine ponude neka rješenja, u periodu od dva mjeseca koliko će Vlada F BiH raditi na pripremi izmjene Zakona o radu na nivo Federacije, pa da se na taj način pojednostavi sistemski zakon i postigne što širi društveni konsenzus oko primjene zakona.

Predsjedavajući zaključuje raspravu.

Glasa se o inicijativi zastupnika Anera Žuljevića prema Federalnom parlamentu za izmjenu Zakona o radu na nivou Federacije.

Predsjedavajući konstatira da inicijativa nije dobila potrebnu većinu.

Prelazi se na glasanje o zaključku koji glasi: „Prihvata se Nacrt zakona o radu kao dobra osnova za izradu prijedloga zakona, zadužuje se Vlada HNŽ/K da provede javnu raspravu u roku od 30 dana, primjedbe i prijedlozi na nacrt zakona iznijeti na sjednici Skupštine dostavit će se Vladi na razmatranje. Ostavlja se rok od 7 dana da zastupnici u pisanom obliku dostave dodatne prijedloge i primjedbe na nacrt zakona. Zaključak stupa na snagu danom donošenja, a objavit će se u Službenim novinama HNŽ/K.“

Predsjedavajući konstatira da je zaključak usvojen većinom glasova, odnosno odobren je Nacrt zakona o radu za daljnju proceduru.

Usljedila je pauza od 30 minuta.

Nakon pauze uslijedilo je glasanje, na uložene amandmane, po točkama 2. i 3. dnevnog reda.

Ispred Vlade HNŽ/K Suad Hasandedić, ministar Ministarstva gađenja i prostornog uređenja HNŽ/K.

Vlada je održala 3. vanrednu sjednicu i razmotrila amandmane na Zakon o komunalnim djelatnostima. Nije prihvaćen nijedan amandman.

Usljedilo je izjašnjavanje po amandmanima Kluba SDP-a.

Niti jedan od deset amandmana nije dobio potrebnu većinu.

Usljedilo je glasanje o Zakonu o komunalnim djelatnostima, u formi predloženoj od Vlade HNŽ/K.

Zakon o komunalnim djelatnostima usvojen je većinom glasova.

Usljedilo je izjašnjavanje o amandmanima na Zakon o izmjenama i dopunama Zakona o rudarstvu HNŽ/K.

Ispred Vlade HNŽ/K Željko Laketić, ministar Ministarstva gospodarstva HNŽ/K.

Vlada HNŽ/K nije prihvatila uloženi amandman.

Predlagatelj amandmana, Klub SDP-a, traži glasanje o amandmanu.

Amandman nije dobio potrebnu većinu.

Usljedilo je glasanje o Prijedlogu Zakona o izmjenama i dopunama Zakona o rudarstvu HNŽ/K, u formi predloženoj od Vlade HNŽ/K.

Predsjedavajući konstatira da je većinom glasova usvojen Zakon o izmjenama i dopunama Zakona o rudarstvu HNŽ/K.

## **AD5: Analiza stanja o ostvarivanju prava boračke populacije za period 2014 - 2015. s prijedlogom mjera**

Ispred predlagatelja Oliver Soldo, ministar Ministarstva za pitanja boraca HNŽ/K, predstavio je Analizu stanja boračke populacije sa programom mjera.

Ispred udruga proisteklih iz Domovinskog rata HVO-a Skupštini se obratio gosp. Zoran Zovko.

Ispred udruženja proisteklih iz Odbrambeno-oslobodilačkog rata Armije R BiH Skupštini se obratio gosp. Suad Muharemović.

Predsjedavajući je otvorio raspravu.

U raspravi su učestvovali: Ilija Cvitanović, Zijat Mušić, Tomislav Martinović, Ante Pavličević, Luka Faletar, Aner Žuljević, Ajman Šoše, Davor Pehar, Oliver Soldo.

Predsjedavajući je nakon rasprave predložio glasanje o slijedećem zaključku: „Zadužuje se Kolegij Skupštine HNŽ/K da za narednu sjednicu Skupštine pripremi prijedlog zaključaka po pitanju ostvarivanja prava boračke populacije u HNŽ/K. Ostavlja se rok od 7 dana da udruženja i udruge, poslanici, dostave svoje prijedloge zaključaka u pisanom obliku.“

Usljedilo je glasanje o prijedlogu zaključka.

Zaključak je jednoglasno usvojen.

## **AD6: Odluka o davanju suglasnosti na Prostorni plan Općine Jablanica**

Otvorena je rasprava.

Nitko se nije javio za riječ.

Predsjedavajući zaključuje raspravu.

Usljedilo je glasanje o Prijedlogu Odluke o davanju suglasnosti na Prostorni plan općine Jablanica za period 2016 – 2025. godine.

Odluka je jednoglasno usvojena.

## **AD7: Izvještaj o izvršenju Proračuna HNŽ/K za 2015. godinu**

Ispred Vlade HNŽ/K govorio je Adnan Faladžić, ministar Ministarstva financija HNŽ/K. Ministar je predstavio Izvještaj o izvršenju Proračuna za 2015. godinu.

Otvorena je rasprava.

Nitko se nije javio za riječ.

Predsjedavajući zaključuje raspravu.

Usljedilo je glasanje o Prijedlogu Odluke o usvajanju Izvještaja o izvršenju Proračuna HNŽ/K za 2015. godinu.

Odluka je jednoglasno usvojena.

Sjednica je zaključena u 17:30 sati.

Zapisničar

Danijel Groznica

Predsjedavajući

Šerif Špago